

Newsletter Canada

Mit dem Newsletter wänd de Ueli und de Daniel, eu allne chli iblick geh i eusi Ziit da in Canada! Mir zeigt das in Text (eher weniger) und Bild, was mir dörfet erläbe! Mir schildered eu eusi persönliche Highlights.

Abreise

17. April

Mir sind am Sunntig frisch fröhlich abgreist, ufem Flug hämer scho serscht mal Canadian Bier trunke. Mir sind nach 9 Stunde Flug mitere halb Stund verspötig, am feufi acho. Eigentlich hetemer am halbi sechsi sele wiiter uf Calgary. Aber das hät nüme glanget mit uschecke, Office of Immigration, und wider i checke. Mir sind dete gstande wi bstellt und nöd abholt. Zum Glück hämer am nüni en Direktflug becho uf Regina. Dä Ueli hät imene perfekte Englisch eusere Schlummermuetter erklärt, dasmer e halb Stund spöter chömed. Uf em Wäg nach Regina (3h) hämer gschlafe wie en Stei. Dä Randy (än Ami wi im Bilderbuech) und Char (Chline Pumukel) händ eus mitemene richtige Ami-Pick-up abholt. Uf dä Fahrt zu dä Farm ca. 2.5h hämer fascht no zwei Moose agfahre. Denn sind mir acho im SUISSHOUSE und sin go pfuse! Guet nacht.



Farmtour

18. April

Am erschte Tag hend mir dörfe usschlofe. Nach em ufstoh sind mir so gwunderig xsi das mir direkt uf d Farm sind go luege! Es isch alles halt chli grösser. D Traktore, d Silo, de Hofplatz, d Autos, halt alles chli. Als erschts hend mir uf die Shoptour dörfe (de Shop isch s Hauptgebäude)! Da hend mir viel sache gseh: als erschts die neuu nonig ganz fertigi Werkstatt mit de Büros, denn di grosse Getreidesilos, als nächsts d Tankalag, wifers hend mir d Kehrrechtverbrennigsalag gseh (hine uf em Feld usse)☺! Zum schluss natürlich all die grosse Maschine wo uf em Platz umegstande sind! (Föteli sparet mir no chli uf)

Newsletter Canada



Workdays

19. +20. +21. April

Mir hend dörfe schaffe!!!! Hihhi



Karfreitag/Krapfetiitig

Hüt morge sind mir früh ufgestande und hend üse Tagesflug agfange! Mir sind mit em Auto uf Regina gfahre und hend e Stadtrundfahrt gmacht. S Imex-Kino het zuegha weg em GoodFriday. Denn sind mir halt go pöstele will die Läden am Sunntig ebe au offe hend! Die SUPERstores sind SUPERgross, da gits doch au alles es bitzli grösser als mir üs das gwöhnt sind! Do chasch Rasetraktore ab de Stange/Regal chaufe! Im Zmittag sind mir im Subway xsi, de Dani het das zum erschte mol gseh und isch en chline Fan vo dem Subway worde! Am nomittag sind mir richtig Hei gfahre und hend unterwegs na en chline halt gmacht. I dem Fort Qu Apelle (isch es Tähli) hets es Skigebietli (Idiotehügel) ☺ gha! De Ueli het natürlich uf 100 km gseh das es dete Pistemaschine het, die hend mir denn gnauer betrachtet und gmerkt das es gar kei anderi (ussert d Marke) sind als mir bi eus au hend! Wo mir dihei aglangt sind, het d kilometerzeig am Auto ca 500 km meh azeigt als wo mir gange sind! Reini Fahrzit isch 2x 2.5 h xsi.

Newsletter Canada



So das wer es Müsterli vo üsem Newsletter Plan! Aregigä oder
Verbesserigsvorschläg direkt an Chefredaktor (Ueli oder Dani) schicke!

Grüess us Canada